

卷八 九十三

重錄 魏校 官 侍郎 王 高 州

學士 王 胡 正 蒙

分校 官 洗 馬 王 林 壠

寫 書 官 中 書 王 明 銳

關 照 監 生 王 馬 忠 忠

王 吳 燦

永樂大典卷之八千九十三

十九庚

城

贛州府城

贛州府圖經志晉永和中始建城二水間在贛縣義熙中徙贛水東爲南康國在零都梁承聖初復徙章

貢間然後定舊城基在今扶華坊坊有古城巷唐刺史盧光稠始拓之章

貢志其制南附而北眺周十三里崇三尋廣尋有半列門十三據牆百二

十其南鑿址爲隄三面阻水水暴至輒灌城熙寧中太守劉鼎始開水

倉時其啓開以防水患東北隅尤易墊且圯太守孔公翰始甃石得不圯

章貢志宋攸八境詩所謂生者奔海純石壤史者高會百無憂是也紹興

壬申迄嘉定甲申其間或因叛卒燬缺或爲巨浸傾壞以後太守梁繼樞

趙善繼趙公稱陳輝高善張貴傑楊長孺鄭性之相繼加葺宋亡元興紹

天下城池許拆無修自此毀爲土阜壬辰癸巳四方兵擾監郡全普廢撤

里重修之戊戌告急樓櫓始完秋九月攻圍城陷陳兵繼修之遠至版圖

歸于

國朝修築加整粉堞樓窩鋪以至各門街森列視古所無城阻二水為障其制三隅南衍而北銳周圍十三里高二丈四尺厚一丈二尺內子城周圍三里一百一十步高一丈八尺厚一丈一尺城東西北阻二水南有濠為平橋樓櫓一百二十間章貢志東城始築無所考周三里百有十步崇丈有八尺三分其崇去一以為廣西北距羅城如偃月狀云城門十三通衢自淳熙丙午邵守周必正翻砌距今四十二年損缺殊甚寶慶丁亥聶子述重甃之由熊樓南竟鎮南西竟西津東竟建春靜江行者便焉其川門舊名百勝淳熙庚子邵守留正改今名安教門俗呼寺步門永通門俗呼磨步門建春門俗呼斜步門出東浮橋貢川門俗呼李步門永平門俗呼天王門仁豐門俗呼石床門靜江門俗呼縣步門西津門舊名通津俗呼西門寶慶戊子邵守聶子述改今名鎮南門舊名來越俗呼大南門寶慶戊子邵守聶子述改今名興賢門舊名化遠俗呼小南門邵守高慶改名進賢寶慶戊子聶子述改今名後津門朝天門舊名朝京邵守留元剛改今名宋會要紹熙二年十二月三十日詔知贛州高慶特減三年磨勘以修築本縣

## 虎頭城

雲谷雜記東坡過虔州鬱孤臺詩邵守霍漢英和之東坡遂復用韻有行看鳳尾詔

却下虎頭州之句。虎頭蓋指虔也。虔與虎皆從虎。大乎反。俗以虔字之首有同於虎。故以虔爲虎頭州。紹興三十二年。校書郎董德元言虔州俗謂之虎頭城。非嘉名也。今天下舉安。獨此郡有小警。意其名有以兆之。遂改爲贛州。今注此詩者。乃云虎頭州以言常州虎頭顧愷之也。愷之常州無錫人。蓋是時先生乞居常州也。借使如注者所言。則趙清獻公出知虔州。有詩云。乍辭龍尾道。來判虎頭城。此又當作何說。其謬妄一至如此。豈不

大可

## 寧都縣城

宋劉後村集寧都縣新築城記。淳祐丙午余仕於朝。寧都縣尹夙君子與。以書來曰。吾視事

之翌日。盜起。廣昌犯池。富贛卒未至。賊鋒剽甚。衆欲潰去。吾集吏民議戰守。急調尉寨兵。益以義丁十人。深入苦戰。官軍衆之。禽首賊黨。時四鄰震擾。吾境獨全。衆相賀。吾曰。未也。土城庠惡。盡改作石。余曰。其小需。丁未。余去土。杵實基。周匝七百餘丈。悉甃之。願記其事于石。余曰。其小需。丁未。余去國。君使兩至責前諾。余又曰。其小需。君余故人也。豈於不腆之文。有所靳哉。願多事以來。以平寇築城。受賞者多矣。甫平。覆出朝築夕圯。豈時二者難保。其往哉。施於有政亦然。初。令而晚繆。始仁而終鄙。竭強於暫。而頽放於久者。皆是也。戊申。君之使又至。曰。吾校代者無兩月。記不可復需矣。余

然後知君之政果成城果堅而寇果平也蓋天下倏至之變常伏於常情  
智慮之表襄睦寇殘二浙近汀寇犯劔邵曰是中州內地素不防慮爾若  
夫寧都爲羣盜四達之達不能數歲安靜前是非無智者至君乃克有城  
獨何歟婦者忽禍變鄙者憚勞費然者方以無城爲幸寇至有紀侯之去  
檀公之走而已君眇然一儒生化刀劍爲耒耜革瓦礫爲金湯有地百畝  
而善用之如此使君事權重於銅墨之寄封域大於子男之邦其所以就  
未可量者是役也靡錢二萬二千緡有奇合諸臺郡邑士民之力而成君  
之遺愛與是城相爲不朽矣君嘗宰河源勦寇寧民已著風績以經畧使  
薦詔減年勞至是首摧盜鋒又先事代謀禽劇賊古八盧五慘渠魁貨費  
從將鼓聲熄則於其間飾縣庠梅江書院各增其舍夏旱先發官廩而後  
勸分自郭達野置糴場五十三所至秋止部使者尚書郎鄭公達辰大匠  
吳公子良俱以治行薦初朝家行廣昌賞加君一秩惟築城功未報君建  
安人擢

### 南安府城

南安志郡城高八尺厚四尺周圍一十里一百五十步淳化辛卯築祥符經殿初草具土

疏惡霖雨即圯池不及泉狹可踰紹興乙卯郡守周琮得請於朝因綱卒  
之暇修治之首末兩年乃成役工凡九萬七千五百有奇裨築城二十二

百尺。樓櫓堆堞飾具。後池廣四十尺。深十三尺。有奇。度遠近。置堰以鍾水。設鹿角其上。新林永宣元年。計。淳熙壬寅。郡守管銳因其缺壞。復加展拓。總十月而畢。高一丈五尺。厚一丈。有奇。延袤一十里五步。司諫湯邦彥記之。記謂舊城高一丈二尺。厚半之。越百九十四年。始遇今侯。則指淳化

之城而言也。管守情展南壁土。堅密。艱於鑽鉦。此蓋周守所修土人傳。度冠。三夕而不能破者。又管守既毀舊園樓戰棚。通替不能架造而止。甫

更二載。城復以雨墮。至數百丈而未已。郡守趙不邀將受代。僅能補苴其南一面。郡守方崧卿繼之。增竈陶甃。任之完兵。別給醪米。以勸其勤。周遭

表裏。稍還舊觀。前此修城。整其外。以土甃之。今先補版築土。然後甃。又講求置堰。鍾水故迹。創敵樓戰棚之屬云。今城上氣頭。通四門樓折之。為一

十九百有奇。每一氣頭為四尺五寸有奇。城南邊江北帶溪。乃明山橋之溪。故狹而長。東西微銳。俗謂之鯉魚形。四門洞開。上各有樓。東就日。西寶

豐。故寶山南宣化。故薰風北朝天。故拱辰皆管守改。三面環以隍。橋跨隍與門直。惟南江浮橋稍西。初亦直門。陰陽家以為不利。改遷北隍之外。不

數百步。而為溪者二。皆橋以通。道以隍者名明山。又次俗名孤橋。音記云。太平發足望孤橋。王槐桓城對面朝。文六金身香水口。却來平地起煙臺。

太平。玉貌。地城皆山名。石壁東山當水口而嘉祐等三寺據其勝處故有丈六金身之句。南樓之東有圮亭。乾道丁亥。郡守祝深徹而新之。名曰雲山閣。其下直作廳。後二年教授楊嘉績復拓小閣於樓之西。遠近與雲山閣略等。扁曰來青。其下直舊教授廳。後移教授廳。析此爲北門。更永亭。歲久頽圯。咸淳戊辰郡侯趙公孟通始至登陴周視。凡當修築者新之。鰲角弊者更之。東西兩門并書其扁。郡以墻代子城。月四止。客郡治郡圃。三面無門。其南門當宣化門十餘步。鰲樓五間。蓋亦草創於淳化。紹興癸亥郡守吳暇改作。南康宰李能一爲之記。樓容刻漏鼓角。鉦鼓以爲樂。鼓六角。三鉦。一時江志。景德元年詔下少府。以金鉦一所。戰十枝。宋賜他志則無之。然止賜肘江河也。刻漏置於元豐辛酉。郡守虞肇鑄銅爲臺。十鈞。刻木爲箭二十有四。石匱鐵射。圓荷渴烏。惟稱。郡判官伍浩記之。郡額則廣東計模吳諺書。樓前兩序相向。左宣詔。右頒春。土城大約周郡城三面。惟北無之。以鐵圍一帶爲門。鐵圍故有宣化門於巽維。則尾屬黃葛作呈。岡南行而西轉。首達貢院之前五百步而近於坤維。則首貢院前稍折而北。昔西偏有化士門。尾屬興教院。西長倍巽維。巽維之尾絕江脈。縣序而北。累報恩寺之背。寺東中路皆有迎春門。今立兩柱。榜城內界坤維之尾。

亦絕江畧滿頭。壓觀音堂左而終於壕頭。兩旁皆二百步而遠。今吳維俱存。坤維已夷。坤維之絕江者大半存。而吳維之絕江者亦已夷。夷者墓址髮髯存者堅高。畔脫最或踰再仞。博幾半之土亦而密。有撲撒草蔓蒙翳處如山阜然。吳維近廣惠山人或依以葬埋。且池塘田畝在近。因徑其上俗傳漢庾將軍役鬼神一夕而成。夷者皆取其土使用。管守銳所作驛使門當貢院之北二十餘步。南達度嶺。蓋借此城為羅城耳。舊路迂曲。自教場前由天慶觀西南乃通度嶺。今路平治。土城西南甚順便。非昔管守創改也。

### 南康故城

南康志南康故城西南三

里。東西二百五十步。南北三百步。淳化於古城內創置鹽米兩倉。按城當坤維土城之內。西逼靈務。蓋亦用城土北臨江。今巡檢寨寓焉。南北為寨

### 南康縣古城

南康志南康縣古城在今縣治之西南隅。遺址尚存。後議

前後門高約二丈。闊五尺。圍近三里。

定遷取坏土於兩地。權其輕重。古城土輕。遂即今治。前帶章江。後枕九日嶺。紹定戊子。峒丁挺亂。越五年。士辰邑令戴冀始築城。城門四。東曰迎恩。西曰通學。南曰信豐。北曰鎮北。憲使陳公壇名制帥李公壽捐書。郎博士鄭霖記。

### 南安縣城

南康志南安縣城舊



無城。紹定戊子，岷寇挺亂，民若悉燬。冠平知縣胡泓申郡，郡申諸司列請于朝，始築城高一丈八尺，周五百二十丈，皆蓋屋，其門東曰靜安，西曰西成，南曰文化。知軍彭公鉉記。見續浦集。秦郡縣天下各墜，其城漢祖六年，令郡邑城。時郡以南壁縣隸豫章郡，後漢志：豫章二十一城，則南壁有城無疑。然南康古城特著於陳高祖之初，未

### 益漿城

南安志：益漿城當在上猶縣之

知爲今郡之土城將遺址於下邑者歟。

宣化鄉，即故益漿鄉也。今無遺墟。初，灌嬰防南徼，創益漿城。章貢志：據案

字記：作州西角，灌嬰時安，侍有州。宣化蓋與韶州爲鄰，云：宣化舊境如是

今文：蓋係緯大度，則宜

### 饒州府城

饒州府志：府城舊制周迴僅七里餘，東臨東湖南，潁鄱江

化止，與桂陽集龍爲鄰。

西連贛州，北接芝山，泰吳萬爲鄱陽，今時所築。歷漢建安吳赤烏，隋大業

唐武德貞觀，更革不同。宋建炎三年，顯謨閣直學士連南夫畧修之。嘉定

七年，史定之爲郡守，傭工結砌，增廣城基至九里三十步。元朝城壞不治，

士辰兵興，據守者屢修之。辛丑歸附後，城垣多非舊址。己巳夏大雨連月，

河水溢，城內城垣崩頽，守禦官宋炳和府陶安等集所屬州縣民夫，興守

城軍士，甃以磚石，務在堅固。洪武四年，守禦官趙堅等沿城高鋪城樓，重

新蓋造。開浚周圍壕塹。粉飾牆堵。完備城門六座。戰樓六座。窩鋪七十六所。城牆周圍一千七百零五丈二尺。築子三千四百二十六箇。朝天門高八尺。闊八尺。城高二丈。脚闊一丈四尺。面闊八尺五寸。量至靈芝門。計四百四十三步零二尺。城門洪武十年鼎新改造。比舊增高。樓高二丈五尺。闊四丈。深三丈。三間五架。洪武十年鼎新改造。比舊增廣。壘樓高二丈。計一十五步零二尺五寸。小窩鋪一十二所。吊橋一所。闊八尺。長三丈。重壕闊二丈五尺。深一丈。外壕闊六丈五尺。深一丈一尺。量至靈芝門。計四百五十步。大戰樓一座。高一丈九尺。三間五架。順闊二丈。深一丈八尺。城高二丈。靈芝門高八尺。闊八尺。城高二丈一尺。脚闊一丈六尺。面闊九尺四寸。量至順州門。計九百三十步。樓高二丈一尺。闊四丈六尺。深三丈三尺。吊橋一座。闊一丈長一丈一尺。小窩鋪二十五箇。重壕四丈五尺。深九尺。計九百八十五步。外壕闊九丈。深一丈二尺。寬窄不等。計六百八十五步。大戰樓二座。一座高二丈三尺。闊一丈。深二丈。三間五架。一座高一丈八尺。闊一丈五尺。三間五架。順州門闊七尺四寸。高七尺七寸。城高二丈。脚闊一丈五尺。面闊八尺。量至月波門。計八百六十步。樓高二丈二尺。三間五架。順闊三丈。深二丈。重壕闊四丈。

深九尺。量至月波門計七百五十七步。外濠闊六丈八尺。深一丈。計三百七十步至湖。大戰樓三座。三間五架。高一丈八尺五寸。順闊一丈九尺。深一丈七尺。一座三間五架。高二丈。順闊二丈三尺。深二丈。一座三間。高二丈。闊二丈三尺五寸。深二丈。小窩鋪一十四所。月波門高九尺。闊八尺。城高二丈。脚闊一丈五尺五寸。面闊一丈二寸。量至鄱江門計三百步。洪武十年鼎新改造。城門比舊增高。樓高二丈九尺。下簾五間五架。順闊三丈八尺。深三丈二尺。大戰樓一座。高二丈五寸。三間五架。順闊二丈二尺。深二丈二尺。小窩鋪六所。鄱江門高九尺。闊八尺。城高二丈。脚闊一丈五尺。面闊八尺五寸。量至永平門計二百七十步。樓高三丈。一尺。下簾七間五架。順闊七丈八尺。深四丈。弔橋一所長二丈四尺五寸。闊八尺五寸。小窩鋪七所。城濠自門外量闊五丈。深一丈五尺。至永平門寬窄不等。計三百三十五步。大戰樓一座。高二丈一尺。順闊二丈。深一丈六尺。三間五架。永平門高七尺二寸。闊八尺。城高二丈一尺。脚闊一丈二尺。面闊八尺。量至朝天門計六百零七步。城門洪武十年鼎新改造。比舊增高。樓高二丈三尺。闊五丈。深三丈六尺。三間五架。洪武十年鼎新改造。比舊增廣。弔橋二所。向北一所。長一丈七尺。闊六

尺五寸向南一所長一丈五尺闊六尺五寸城濠自門外闊二丈深一丈五尺量至朝天門計三百一十五步犬戰樓一座三間五架高二丈順闊三丈深二丈二尺城高一丈五尺五寸小窩鋪一十五所鄱陽志羅城周迴二千三百五十九丈東臨東湖南瀕番江西連贛州北負芝山本秦吳芮爲番令時所築有三城案字記鄱城即吳芮爲番時所築王記云苻纂城有南中北三城後漢建安十五年孫權分置鄱陽郡治故縣後徙令城通典孫權分置鄱陽郡初理鄱陽縣後徙吳芮故城案字記鄱陽郡初立理於鄱陽故縣後徙理吳芮故城即今州也或曰吳赤烏中太守華融遷之王記鄱陽古城在今州東七十里吳赤烏中太守華融移鄱城其鄱陽縣仍居北古城隋大業四年以南城爲鄱陽郡尉府中北二城爲州城唐武德七年刺史韋大寶又以南城爲州城貞觀八年刺史薛懷昱總葺三城爲州城凡四里六十二步高二丈見王記又云南鄱鄱江即岐嶺東連鄱陽北帶郭略有不同說宋朝他無記載惟建炎三年胡騎南來顯謨閣直學士連南夫以守不固賦工繕治明年始成見生祠記余經水患率皆頽圯其高者遺址僅存嘉定七年今知州朝奉郎史定之申明修築環繞一新財五閱月訖工是役也不抑大農不賦屬縣不擾齊民

悉自理財以給費事。卒伍更番受役工匠計日受庸。凡物直賞爭皆面授。至身執杖以勉之。故咸樂爲用。先是度程謂非滿歲不就。未幾崇成雉堞屹然。既堅且好。不特州人世蒙其利。爲國巨屏。視旁郡壯焉。凡爲門八。東曰永平。監路。西曰蟻州。俗曰下西關。南曰鄱江。俗曰龍津。曰月波。俗曰倉步。曰楚東。舊名皆闕。俗曰路驛。匯澤。舊有下水。北曰朝天。亦路曰靈芝。山路爲斗門。二以泄城中水。東曰永流。東派橋東。南曰朝宗。德化橋南。舊無之。其元申請云。本州郛城。歲久傾圯。蕩然不存。西北基址稍高。間有存者。尚可修築。東南兩帶。迄宋五里。水瀕湖地勢最早。城皆不存。所謂城基盡爲居民侵占。起造屋舍。每歲當霖潦之時。江流泛溢。民戶乘舟往來。水後復被濕氣蒸溽。率多病疫。光統州條兩司建臺之所。都督七郎實爲衝要之地。今無城郭。以備不虞。實爲利害。今檢照昨來自慶元五年。內知州林楠申請。已行修築。績隸本安撫轉運司。委徽州通判曾師熊到州。同前任知州陳某通判周振躬親時帶壕寨劉慶等。打量城壁損闕去處。具申朝廷訖。自林楠陳某後。累政闕之。因循至今。獲二十餘年。又連遭大水。愈見城壁廢壞。欲望朝廷割下本路監司。再差官吏前來重行打量會計。合用磚石灰泥人工。仍乞割下就近江池州大軍。差借壕寨前來築砌。庶幾

經大堅實。以爲一方捍禦之備。得者劉卽本州撫節措置。一面如法砌築。  
後再申云。已盡絕浮費。檢覈更審。除上供水。還到錢別行立庫收支。並無  
分文料卹。諸縣行銷民戶。合用物料。人工錢一十二萬九千餘貫。米五十  
餘石。酒一十三百餘石。磚四百三十八萬二千片。灰六萬七千石。起三月  
初六日。盡八月十三日訖工。遂上奏曰。臣至愚不才。幸被推擇爲郡長吏。  
待罪鄱陽。受任之初。首究民隱。咸謂此邦。襟江帶湖。地卑下。故城爲水所  
囂。十隳八九。淫潦時至。水入民廬及薦屋。民皆棄舟去來。老稚奔竄。無所  
依歸。疾疫死使無藏。不設其患。臣不勝震懼。冒昧請于朝。乞委官相度。築  
治。荷朝臣矜憐。不以內郡城郭爲不急之務。即賜俞音。令本州一向擇節  
財賦。自行修築。臣聞命之日。卽行經理。不敢自欺。覈更審。絕浮靡。舉郡計  
之贏。以給費事。凡磚石灰木各紳器具之屬。悉面于時直如私家。集郡兵  
土軍。得千六百餘人。更爲番次以供役。日加優給。工匠則募民以庸。不教  
有妨農時。臣躬自執扶與之。赴役同一甘苦。以故。士卒工匠樂爲之用。亦  
忘其勞。自三月六日興工。至八月十三日。凡鼎新築砌羅城二千三百五  
十九丈。起立城樓八座。半門二座。共役軍兵十一萬四千二百五十二。後  
匠四萬一千七百二十。用磚三百五十萬五千五百。石九十七萬八

十四丈。成六萬七千一百九十六碩。以至時本釘索番餉餉杆器用等。及官吏工匠更費錢米。盡係本州自行措置收買使用。並無分文科數縣。及後使誘殺民戶。今來已遂罷役。除已供畫圖本繳進外。欲望聖慈。差官前來覈實檢視施行。後得旨。奉江東提刑檢視覈實。提刑為朝請郎王益祥具申有云。饒之為郡。西潁大江。通彭蠡澤山。藏水宿。常多盜賊。建炎間。屢有淮賊攻城之擾。經今九十餘年。緣城之東南有徽信二水直下。衝至城岸。合而為一。環遶而西。每歲春水暴漲。東南一帶城壁。因積年衝激。潰浸損圯。民往避。全無城壁。城之西北。地勢雖高。基址亦多傾圯。知郡史朝散到任。首以修城為急務。朝夕究心。惟覈吏姦。博節財賦。以助支遣。所用人工。以本州廩禁軍。并六寨土軍調發。更役夫匠工作。收買物料。華絕官司。減剋之弊。盡從民間。特值支給。人不憚勞。役不及民。首尾僅六閱月。周迴城壁。固備。兼以餘財。歸力。建造州治浮橋。及諸官廳等處。廟宇。興崇學校。廣開道路。並詳置司鏡州。目親是實。永平門東至朝天門。凡四百八十二丈。潁湖用石脚二層。高一丈七寸。通女牆高二丈二尺五寸。朝天門北至盤州圍門。凡八百一十七丈一尺。依山為址。用石脚一層。高八寸半。通女牆一丈五尺。盤洲圍門西至鐵山堂城隅。凡六百一十二丈。地

勢指高。用石脚一層。高一丈五尺。通女牆高一丈五尺。鐵山堂城隅至楚東門。凡一百七十丈。前臨江。用石脚二層。高一尺七寸。通女牆高一丈五尺五寸。楚東門南至永平門。凡二百七十八丈。臨江最早。用石脚七層。高六尺。通女牆高二丈一尺五寸。又以爲前後城壁損壞。多不即繕治。故因循廢圯。遂以酒麵務舊地。初新街樓屋五十間。慨金歲收可十二百餘緡。別項撥用。仍各委官分掌。旬一供中。遇摧毀。以時補築。凡工料皆不侵郡計。可永使勿壞。起城上玉芝堂。至紫極觀後城角。四百三十丈。并蟠洲門路分主之。自路分界至靈芝門折角。五百二丈。監押主之。自監押界至朝天門轉角。三百五十丈。鄱陽縣東尉主之。自東尉界至永平門南。四百四十七丈。都監主之。自都監界至臨澤楚東門。三百七十七丈。添差都監主之。自縣門轉鄱江門至玉芝堂。二百五十三丈。州事務官主之。外子城東北。二百八十丈。南西即羅城。爲門二。東曰幽並泰。北曰慶湖。中子城東北。一百六十五丈。爲門二。東爲旗樓。揚州名。又東少北曰瞻雲。內子城廢。今築臺建爲儀門。會要。福興十六年十一月二十二日。知饒州張約言。本州與江池接壤。密通淮甸。城壁頽毀。委官檢計。得合除築去處。計四百六十六丈。人工物料。共用錢米八萬九千六百餘貫。碩。乞



應副修治。詔令所屬給降空名進義校尉敕紙五道。勅數勅四道。並充修城支使。臣修言。饒州城壁。係一面遠大溪。每至春月。必為大水所決。以是前後屢修廢壞。加以官吏因緣作過。六縣之民。困於此役。愁歎之聲。不可聞。今張約所乞錢物。已蒙朝廷支降。竊恐上件敕紙并勅。所得錢數無多。本州不過只是應副。從之。蔡幼學新築城記。中興四聖相授。咸以息兵養民為先務。治成德洽。中外輯寧。時長吏往往習安靜而重興作。城郭溝池之固。自並邊有因循未暇及者矣。況內地乎。鄱陽表江帶湖。為今要郡。而城圯墊已久。江鬻其南趾。日益湮廢。歲春夏水溢入衛市。民不勝病。太守史侯視事之浹日。亟集僚議之。皆曰。往者郡有請類弗報。後大而力不足。可若何。侯歎曰。然則城終不可成乎。乃自以為己責。乃請于朝。具稽郡賦之出入。蒙隱漏損浮冗。歸其贏以公用。朝廷下其事。令郡以漸經理。則城已賦功矣。市村庸匠給以實直。分兵更役。優以廩餼。侯單車督視。察其良否。勤惰。無敢不肅。於是條所當支費之目以聞。詔先給封樁錢一萬。則城已就緒矣。其以實言。遂不果給。是役也。始於嘉定七年三月辛未。成於八月甲辰。凡役匠四萬一千七百二十。卒十有一萬四千二百五十。城周十二里有奇。圍門為樓者八。曝水為斗門者二。既事。獎吏卒之有